



Neqerooruteqartitseqqinneq: Tamanut neqerooruteqartitsineq Tasiilami inuusuttunut atuagarsortuunngitsunut neqeroorut

1. Aallaqqaasiut

Kommuneqarfik Sermersuumit matumuuna neqerooruteqartitsineq saqqummiunneqarpoq Tasiilami eqqaanilu inuusuttunut najugalinnut piginnaanngorsarnermik ingerlatsineq pillugu pisiniartarfiit piginnaaneqarluartut pilersitsinermut ingerlatsinermullu neqeroorummik suliaqaqqullugit. Neqeroorut inuusuttunut ilinniakkamik imaluunniit suliffimmik ingerlatsisinaanermik ajornartorsiuteqartunut aamma sulinermut tunnganerusumik ingerlatsinermik iluaquteqarsinnaasutut naatsorsuutigineqartunut saaffiginnittuussaaq, atuagarsornani ingerlatsinerusussaq.

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq naapertorlugu isumaqatigiissummut aamma qulaani taaneqartunik tunniussineq/ikkussuineq il.il., kiisalu neqeroorutit allattorsimaffiat matumuuna neqerooruteqartitsinertut saqqummiunneqarput.

Neqerooruteqartitsineq tassaavoq **Tasiilami inuusuttunut atuagarsortuunngitsunut neqeroorummik tamanut neqerooruteqartitsineq.**

Kommuneqarfik Sermersooq pisiniartarfissamik ataatsimik isumaqatigiissusiornissamik kissaateqarpoq.

Neqerooruteqartumut malugeqquneqarpoq, tamanut saqqummiussereernerup kingornatigut neqeroorummi allannguuteqartoqarsinnaasoq, tassunga ilanngullugu immikkuualuttortalersuinissamut piumasaqaatinik aamma neqeroortitsinermut piumasaqaatinik allannguisoqarsinnaasoq. Tamanna pillugu Sermersooq toqqaannartumik ilisimatitsissaaq.

Kommuneqarfik Sermersooq neqerooruteqartitsinermi ataatsimoortumi naligiissumik aamma erseqqissumik suleriaaseqarnermik qulakkeerinnippoq.

Neqerooruteqartitsineq aamma immaqa isumaqatigiissummik aallartitsineq pissaaq Isumaginninnermut, Suliffeqarnermut Nunamullu Namminermut Naalakkersuisoqarfimmit suliaassap suliarinnittussarsiutigineqarnera akuerineqarsinnaappat kiisalu atuartut peqataasut ilinniartunut tapiisarnermik pissarsisinnaassappata. Akuersissut pineqanngippat Kommuneqarfik Sermersooq taarsiissuteqarsinnaatitaagani neqerooruteqartitsinermik atorunnaarsitsisinnaasutut imminut pisinnaatippoq.

2. Siunertaq

Suliaassami siunertaavoq inuusuttut ilinniagaqarnissaannut aamma/imaluunniit suliffeqalernissaannut piareersimanerannut nukittorsaataasumik piginnaanngorsarnermik siunnerfilimmik suliamut tunnganerusumik neqerooruteqarsinnaaneq, tulluuttut aqutigalugit:

- Sulinikkut inuussutissarsiutinik paasinninneq
- Perorsaanikkut tapersorsorneqarneq
- Kaammattuineq aamma attassiinnarneq
- Suliffeqarnermut, ilinniagaqarnermut imaluunniit piginnaanngorsaqqinnermut sammisumik siuariartorneq

3. Neqeroorutigineqartup annertussusia aamma ulluliussat

Pisiniartarfiup suliassai:

- Piffissami 1. novembari 2026 – 31. juuli 2029, inuusuttunik piginnaangorsaanermik ingerlatsineq
- Tasiilami Majoriap innersuussaani ikinnerpaamik inuusuttunik 10-nik sullissinnermik pisussaaffik
- Inuusuttunik ingerlatserusuttunik tiguisinnaajuarnermik neqeroorneq
- Qaammatit 10 missaannik sivilissuseqartumik ingerlatsineq

Suliap aalajangersimasumik imarisai aamma annertussusia piumasaqaatini nassuiarneqarput.

Ullut:

02.09.2026	Neqerooruteqartitsinnermik nassiussineq
25.09.2026	Apeqquteqartoqarsinnaavoq septembari 25-at 2026 nal. 12.00. tikillugu
02.10.2026	Neqeroorut tunniunneqassaaq kingusinnerpaamik oktobari 2-at 2026 nal. 12.00 kitaani nalunaaqutaq naapertorlugu.
09.10.2026	Suliassamik tunniussinnermik aalajangerneq aamma nalunaaruteqarneq
19.10.2026	Piffissaq uninngatitsigallarfissaq (ullut 10) 10. - 19 oktobari 2026
21.10.2026	Isumaqtigiissutiniq aallartitsineq

4. Sullitat

Sullitat inuusuttuupput:

- 16-it sinnerlugit ukiullit
- Tasiilami imaluunniit taassuma eqqaani nunaqarfinni najugallit
- Atuagarsorluni ingerlatsinnermi peqataasussatut naatsorsuutigineqanngitsut
- Ilinniakkamik imaluunniit suliffissaqartitsivimmi ingerlatsinnaanermik ajornartorsiuteqartut
- Tasiilami Majoriamit innersuunneqartut

5. Piumasaqaatinik ersarissaanerit

Neqerooruteqartup neqeroorutaa minnerpaamik tulluuttunik imaqassaaq:

5.1. Sannavimmi aamma inuussutissarsiutit pillugit atuartitsineq

Neqeroorut sulianut tunngasunik, assassornermut imaluunniit sannavimmi tunngasunik ilikkagassanik sammisaqartitsissaaq, taakkua inuusuttunut imannak tapersersuutaassapput:

- Sulinnermi pissusissanik malinninnermut
- Teknikkikkut piginnaasanut
- Suliffissaqartitsivimmut paasinnittaaseqarnermut

Pisiniartarfimmit aamma aaqqissuunneqarsinnaassaaq kommunimi pisortani aamma namminersortut suliffeqarfiutaanni suliamik misiliinernik naleqquttunik ingerlatsisoqarsinnaanera.

5.2. Perorsaanikkut iliuuserisat

Ingerlatsinerup imarissavai perorsaanikkut iliuuseqarnerit aaqqissuussaasut, taakkua qulakkeerinnissutaapput:

- Inuit ataasiakkaat ilitsersorneqarnerannut
- Kaammattuilluni tapersersuillunilu oqaloqatiginninnermut

- Ingerlatsinermik attassiinnarnermut
- Ilinniagaqarnissamut aamma suliffeqarnissamut inuttut, isumaginninnikkut aamma atugassarititaasutigut inummut killiliisartut suliarineqarnerannut
- Inuusuttut ilisimasani aamma piginnaasanik pissarsiarisaannik ingerlaavartumik nalilersuinerit

5.3. Suliffimmut imaluunniit ilinniakkamut ikaarsaariarnerup ukkatarineqarnera

Inuusuttut tulluuttunut ikaarsaariarnerat tapersersuutaasut ingerlaavartumik nalilersorneqartassapput aallartisarneqarlutillu:

- Suliffik
- Piginnaanngorsaqqinneq
- Ilinniagaqarneq

Peqataasut ataasiakkaat tamarmik siuariartornerat aamma aniartuaartinneqarnerannut pilersaarutit erseqqissut uppersaatitaqassapput.

6. Malinnaatitsineq uppersaatissaqarnerlu

Pisiniartarfik ingerlaavartumik Tasiilami Majoriamut atortunik tulluuttunik tunniussisassaaq:

- Peqataasunut tamanut peqanngittarnermut nalunaarsuiffik
- Ilikkagassanut ilinniartitsisut naliliinerat tunngavigalugit siuariartornermut nalunaarusiat aamma atuarp nammineq killiffimminik naliliinera
- Ingerlatsinermik taamaatitsisut nalunaarutigineqarnerat, pissutaasoq ilanngullugu aamma immaqqa ingerlariaqqinnissamut innersuussutit

Saniatigut pisiniartarfik Kommuneqarfik Sermersuumik ukiumoortumik suleqatigiinnermik ingerlatsisassaaq neqeroorut pillugu ataatsimoortumik naliliisoqarsinnaaqullugu.

7. Aningaasaqarneq

Kommuneqarfik Sermersooq ukiumoortumik ingerlatsinermut koruuninik 1.000.000 tapiissutitut tunniussisassaaq, taakkua pilersitsinermut aamma atuarp ikinnerpaamik 10 atuartinneqarnerannut matussusiissapput. Neqeroorut ikinnerpaamik 10-nik inissaqartitsinissamut piumasaqaammik naammassinninngitsoq naliliiffiqineqassanngilaq.

Atuarp 10-nit amerlanerusunik aallartittoqassagaluarpat, pisiniartarfiup atuarpumut ataatsimut qaammammut aalajangersimasumik akigititaa akilerneqartassaaq, taanna pisiniartarfiup neqeroorummini ilisimatitsissutigisimassavaa, inissat 5 tikillugit ilaneqarnerannut tunngasoq.

Ingerlatsinermut tapiissutit aamma inissat ilaneqarsinnaanerannut akiliutit pisiniartarfiup sullissineranut akissaatersuutit katinnerissavaat, isumaqatigiisummi allassimasoq naapertorlugu.

Kommuneqarfik Sermersooq aamma atuarpumut ingerlatsinermi peqataasunut ilinniartunut tapiissutitut tunniussaqaartassaaq malittarisassat atuuttut naapertorlugit aamma oqartussaaffeqartunit akuersisummik pissarsisoqarsimassapput.

8. Pisiniartarfimmut pimasagaatit:

Neqerooruteqartup neqeroorutip ilaatut tulluuttut uppersarsassavai ilisimatitsissutigalugillu:

- Sullinneqartussat siunertaralugit misilittagaqarneq
- Kalaallit oqaasii atorlugit attaveqarsinnaasunik sulisoqarneq
- Kalaallit oqaasii atorlugit ilitersuineramik, tapersuineramik aamma atuartitsineramik ingerlatsinnaasunik sulisoqarneq, kiisalu kalaallit oqaasii atorlugit uppersarsaatiniq suliaqarsinnaaneq (ass. Majoriamut nalunaarusiat)
- Perorsaaneq aqutugalugu piginnaangorsaanermik ingerlatsinernit misilittagaqarneq
- Sannavinnik /inuussutissarsiornermi atortunik pisariaqartinneqartunik atugaqarsinnaanermut periarfissaqartitsineq
- Suleqatigisat naapertuuttunik piginnaasaqarnerat
- Oqartussaaffeqartunik suleqateqarnermik misilittagaqarneq
- Inissat ilassutaannut ataatsimut qaammammut akigititaqarneq (atuartut 1-5 amerlissutaannut)

9. Neqerooruteqartumik ilisaritsitsineq

Neqerooruteqartoq pillugu naatsumik nassuiaat ilanngunneqarsinnaavoq.

10. Akit kiffartuussinermullu aningaasartuutit

Takussutissaq ilanngunneqartoq takuuk. Neqerooruteqartumit paasissutissat annertunerusut ilanngunneqarsinnaapput.

11. Suliakkiisoq

Kommuneqarfik Sermersooq
Suliffeqarnermut Isumaginninnermullu Ingerlatsivik
E-mail: udbud@sermersooq.gl

12. Apeqqutit akissutillu

Apeqqutit allaganngorlugit kalaallisut danskisulluunniit uunga nassiunneqassapput udbud@sermersooq.gl.
Sammisatut allanneqassaaq:

"Neqerooruteqartitsineq Tasiilami inuusuttunut atuagarsortuunngitsunut neqeroorut"

Apeqquteqartoqarsinnaavoq septembari 25-at 2026 nal. 12.00. tikillugu.

13. Isumaqatigiissut

Isumaqatigiissut Kommuneqarfik Sermersuumi suliarineqassaaq, illuatungeriinniillu atsiorneqassalluni.

14. Isumaqatigiisummik tunniussineq

Isumaqatigiissut "akit pitsaassutsillu" akornanni pitsaanerpaamik takutitsisumut tunniunneqassaaq.
Pointilersuineq pereerpat nalilersuineq pissaaq:

Piumasaqaammik naammassinninneq	Pointit
Piumasaqaatinik pitsaavissumik/naammaginavissumik naammassinninneq	5
Piumasaqaammik pitsaasumik naammassinninneq	4
Piumasaqaammik naammaginartumik naammassinninneq	3
Piumasaqaammik akunnattumik naammassinninneq	2
Piumasaqaammik akunnattumit appasinnerusumik naammassinninneq	1
Piumasaqaammik naammaginangivissumik naammassinninneq	0

Piumasaqaatit allat	Pingaartitat
Suliassat aamma perorsaanerup imarisaasa pitsaassusiat	35 %
Sullitanik aamma suliniutinit assingusunit misilittakkat	20 %
Suliffimmik misiliineq aamma suliffimmut/ilinniakkamut ikaarsaariarneq	15 %
Siuariartornermik aamma aniartuaartinneqarnermut piginnaasaqarnerup uppersarneqarnerat	15 %
Inissat ilassutaannut akigitat (atuartut 1-5) <6.000 kr. = 5 point 6.000-6.999 kr. = 4 point 7.000-7.999 kr. = 3 point 8.000-8.999 kr. = 2 point 9.000-9.999 kr. = 1 point ≥10.000 kr. = 0 point	15 %

15. Neqerooruteqarnissamut piffissaliussaq

Neqerooruteqarnissamut killiliussaq tassaavoq 2. Oktober 2026, nal. 12.00 (Nunatta kitaata nalunaaqutaa malillugu). Neqeroorutit tiguneqartut ammarneqarneranni najuuttoqarsinnaanngilaq. Neqerooruteqartoq ataasiinnarmik neqerooruteqarsinnaavoq.

16. Atuutsinneranut killissarititaq

Neqeroorut novembari 30-at 2026 tungaanut neqerooruteqartumut pituttuisuussaaq.

17. Sillimaffigisassaq

Neqerooruteqartut kaammattorneqarput nangaassuteqaannaratik apeqquteqartassasut. Neqeroorutit nangaanartoqartinneqartut itigartinneqarsinnaapput.

18. Neqeroorutit allat

Allatut neqerooruteqarnerit akuerineqassanngillat.

19. Oqaatsit

Neqeroorut kalaallisut imaluunniit qallunaatut allaqqassaaq.

16. Neqeroorummot akiliut

Neqerooruteqarnissamut atortut utertinneqassanngillat, neqerooruteqarnerlu pillugu akiliuteqartoqassanngilaq.

17. Neqerooruteqarnermi angusat pillugit ilisimatitsineq

Pisiniartarfissamik toqqaasoqareernerata kingornatigut neqerooruteqartut tamarmik ilisimatinneqassapput.

18. Isumaqatigiissut malillugu sulinermik naliliineq

Illuatungeriit suleqatigiinneq pillugu ingerlaavartumik nalilersuisassapput.

19. Isumaqatiginninniarnissamut inerteqqut

Neqerooruteqartitsinerup nalaani isumaqatiginninniartoqassanngilaq.

Maalaaruteqarsinnaaneq

Naammagittaalliorneq Pisortat Pisiortortarneranni Neqerooruteqartitsinermi
Naammagittaalliuuteqartarfimmut Inatsisartut inatsisaat nr. 6, 12. juuni 2019-imeersoq naapertorlugu
naammagittaalliortoqarsinnaavoq.

Ilanngussaq

Ilanngussaq 1: Pisiniarnermik aamma Neqeroortitsisarnermik politikki 2024 ileqqorissaarnermik
najoqqutassanik imalik

Ilanngussaq 2: Isumaqatigiisummut missingiut

Ilanngussaq 3: Ilumoorluinnarnermut uppersarsaat

Ilanngussaq 4: Allattukkanik ilisimaarinninneq